


蟬

史

集



鱗蟲類

龍

說文曰鱗蟲三百六十而龍為之長能幽能明能細能巨能短能長春分而登天秋分而入淵

埤雅曰龍八十一鱗具九九之數九陽也鯉三十六鱗具

六六之數六陰也八十一鱗蓋不拾大小自頭循脊至尾具八十一鱗

非舉全身而言也龍亦卵生思抱雄鳴上風雌鳴下風而風化又

曰蚤莫智於龍龍之德不為妄者能與細細能與巨巨能與下下故易中乾以龍御天坤以馬行地龍天類也馬地類也蔡墨曰龍水物也周易乾之姤曰潛龍勿用其同人曰見龍在田其大有曰飛龍在天其夬曰亢龍有悔其坤曰見群龍無首吉蓋乾初九變而之姤九二變而之同人九五變而之大有上九變而之夬六者俱變而之坤賈誼新書曰亢龍往而不能返故易曰有悔潛龍入而不能出故易曰勿用潛龍蟠龍也廣雅曰有鱗曰蛟龍有翼曰應龍有角曰虬龍無角曰螭龍未升天曰蟠龍文類曰龍子曰螭韓非子曰龍可狎而騎也然喉下有逆鱗徑尺嬰之

則殺人埤雅曰龍水物也雲則水雲薰蒸而然易云雲從龍風從虎荀子曰積水深淵蛟龍寔生焉左傳云深山大澤寔生龍蛇莊子曰龍合而成體散而成章乘乎雲氣而養乎陰陽又曰神龍失水而陸居為螻蟻之所制

列子曰龍珠必在九重之淵驪龍領下得其珠遭龍之睡也陸佃曰龍珠領蛟珠在皮蛇珠在口螢珠在足魚珠在眼蚌珠在腹內典曰龍火得水而熾人火得水而滅

呂氏春秋曰龍食乎清而游乎清螭食乎清而游乎濁魚食乎濁而游乎濁管子曰蛟龍水中之神者也乘水則神立失水則利廢陸氏曰龍秋分而降則蟄寢于淵

文子曰山致其高而雲而起焉水致其深而蛟龍生焉
邵子曰走之飛龍馬之屬是也飛之走雞鶩之類是也

鄒陽書曰蛟龍驤首奮翼則浮雲出流霧而咸集公孫弘
曰龍之未升與魚鱉為伍及其升天鱗不可覩說文曰龍
行曰龍音龍龍飛口龍音龍南部新書曰龍之性麤猛而畏蠟
愛竹及空青而嗜燒燕肉故食燕肉人不可渡海

六帖曰大鯉登龍門化龍不登者點額暴腮矣三秦記云
河津一名龍門江海大魚集門下數十不得上上即為龍
故曰暴腮不上者點額而返綠雪亭襟言曰凡龍不能升
天唯神龍能升天蓋神龍能大能小變化不測軋九五飛

龍言神龍也其他潛龍因龍土龍蟄龍每龍孽龍與夫董
父所泰之龍劉累所御之龍張華所食之龍皆凡龍也
蟬史曰龍有九種各有所好有曰狴犴平生好訟今獄門
上所刻如獅子頭者是也或云犴能捍守故獄用之有霸
下平生好負重今石碑下大龜是其形也有負霸平生好
文今牌兩傍石刻如螭者是也有嘲風平生好險今屋角
上如小獅子者是也有睚眦平生好殺今刀柄上刻龍形
者是也有蚩吻平生好吞今屋脊獸形者是也有蒲牢平
生好鳴今鐘紐是其形也有囚牛未詳有狻猊平生好坐
今佛座下蹲者是也或云囚牛好音

醫經本草云晉地川谷多有龍死而骨在或云是龍蛻非
死骨陸氏曰龍換骨蛇換皮龍骨舐之著舌者良北夢瑣
言曰乖龍苦行雨多竄匿古木及簷樑內雷神捕之本草
會編云龍涎可製香四夷傳云入食勿拔國有龍涎成塊
土人競爭貨賣香譜云龍涎香燒之可直通于天水底焚
之亦直到淵底酉陽雜俎曰龍血入地為琥珀

會編又云世俗畫龍馬首蛇尾又有三傳九似之說謂自
首至膊膊至腰腰至尾相傳也九似者角似鹿頭似馬眼
似鬼項似蛇腹似蜃鱗似魚爪似鷹掌似虎耳似牛頭上
有物如博山名尺木龍無尺木不能升天其性畏鐵又畏

棟葉及五色線其聲如戛銅盤涎能散衆香龍火與人火
相反得濕而焰過水而燔以火逐之則焰滅矣

汲冢周書云正西崑崙狗國以龍角神龜為獻山海經云
大荒北有不周山有神龍啣燭照之名燭龍又云裴丘山
有應龍卽註云應龍有翼龍也昔女媧氏乘雷車服應龍
禹治水時有應龍以尾畫地即水泉流通淮南子曰禹濟
平江黃龍負州禹視龍如蜃蜃漢郊祀志云黃帝鑄鼎荆
山下將成有龍下迎黃帝上騎去五行傳云皇之不極是
為不建時則有龍蛇之孽時則有馬虺

蟲一作
蛇

埤雅曰蜃狀如螭龍有耳有角背鬣作紅色噓氣成樓臺望之丹碧隱然如在烟霧又云雉與蛇交而生蜃得其脂和蠟為燭香聞百步烟出其上成樓臺又曰蛟求于龜則為龜求于雉則為蜃三物常異而同感也又曰鹿食龜膾食蛇蜃食燕子蛟食犀角蛇食茱萸

按雀入大水為蛤雉入大水為蜃註云蜃蛤也能吐氣成樓臺疑二蜃同名而異類者蓋雉與蛇交乃化成蜃蜃蛇類也况以區區之蛤所大幾何而能噓氣成樓臺哉其為龍蜃明矣蓋雀入大水為蛤蛤蛙也非蚌蛤之蛤

沈存中曰登州海中時有雲氣如宮室臺觀城堞人物車

馬冠蓋之狀謂之海市乃蛟蜃之氣也又名蜃樓又名冠
市浙人謂之海變舟人防風雨雜兵書云東海出氣如蜃
渭水出氣如蜃蜃形似蛇而大腰以下鱗盡逆

蛟

埤雅云蛟龍屬其狀似蛇而四足細頸頸有白嬰大者數
圓卵生肩交故謂之蛟亦蛟能交首尾束物焉馬呼馬絆
以此述異記云蟒蛇目圓蛟肩連生生則交矣舊云鳳骨
黑蛟骨青記云伐蛟取龜登龜取龜鄭康成謂蛟言伐者
以其有兵衛也龜言登者導之也易之也爾雅註云蛟卵
生身如一二斛龜能吞人或云無角四足如龍韓文註云

蛟于江內吐涎人為涎所制不得去遂沒江中為蛟所食
星禽演曰角木蛟亢金龍氏土貉房日兔心月狐尾火虎
箕水豹斗木獬牛金牛女玉蝠虛日鼠危月燕室火猪肆
水獮奎木狼婁金狗胃土雉昂日雞畢月烏觜火猴參水
猿井木玆鬼金羊柳土獐星日馬張月鹿翼火蛇軫水蚓
是皆以類相從特其氣類有淺深耳一統志云大江中有
螺磯南有一石穴廣一丈深巨圳蓋螺居也螺即老蛟也
蚺江者黃山谷云螺似蛇四足無害人唐子西語錄曰
惠州有潭虎飲水其上蛟尾而食之故東坡詩曰潛鱗有
飢蛟掉尾取渴虎

鼉

埤雅云鼉具十二生肖肉蛇肉最浸在尾皮可冒鼓夏小
正曰剥鼉以為鼓今江狔將風則誦鼉欲雨則鳴故俗以
江狔識風鼉識雨詩曰鼉鼓逢逢先儒以為鼉皮堅厚取
以冒鼓故曰鼉鼓亦取其鼓聲逢逢如鼉之鳴也鼉喜夜
鳴其數應更初更一鳴五更五鳴形象龍性嗜睡目精常
開能致雨霧力亦酋健善頽坎岸如鼉也

草木疏云鼉形如蜥蜴四足長丈餘鱗如鎧甲皮堅厚置
冒鼓趙辟公雜記云鼉開鼓聲則鳴博勝志曰鼉采龍長
一丈一名土龍鱗甲黑色能橫飛不能上騰其聲如鼓

圖經云鼃形如守宮鮫鯉而長一二丈夜則鳴吼舟人是之南人食其肉色白如鷄

蛇

陸佃曰魚屬連行蛇屬紆行詩云委蛇義取諸此周官曰龜蛇為旐先儒以為龜蛇象其捍難避害龜甲者也蛇擊前則尾應擊後則首應擊中則首尾皆應故兵法有常山之蛇龜蛇合體謂之玄武又曰蛇盤向壬壬北方也又曰牛以鼻聽蛇以眼聽又曰麋鹿易蹄蛇類易皮鱗類易殼又云蛇曉方藥鳩曉禁呪又云十二支辰為龍巳為蛇六陽具不為龍而為蛇龍至此而亢故也宜為蛇而已

述異記曰凡珠有龍珠龍所吐也有蛇珠蛇所吐也語曰蛇珠千救不如一玫瑰也言蛇珠賤也天玄主物簿云懷珠之蛇多喜投暗見人張口向人吐氣如燼是則有珠格物論云蛇類最多有兩頭者有人面者有頭毒尾良者有形似鯉魚者有毛如猪鬣者有鼻上有針者有蝦有蚺有蟒有螭不可殫記草木子曰蛇有水草木土四種葉子奇曰鱗虫有螫龍蛇是也羽虫有螫鶯燕是也毛虫有螫黃鼠是也介虫有螫龜蟹是也又曰物有直行者犬馬是也有曲行者蛇蚓是也有橫行者邸索是也有兩頭行者率然是也有屈伸行者尺蠖是也又曰蛇怒時毒在頭尾

山海經云巴蛇吞象三歲而出其骨本草云蛇長十丈常吞麋鹿麋鹿消盡乃繞樹出骨玄中記云崑崙山周三萬里蛇遶之三周長九萬里羅氏曰蛇死目皆閉唯蘄州者目開若生舒斬兩界間者則一開一閉瑣碎錄云見蛇莫打損壽見蛇交則有喜若被蛇咬不可用口呵恐毒入口能害人三元參贊云蛇頭不可以刀斷必回傷人名曰蛇箭羅氏曰蛇草居常飢每得食稍飽輒渡蛇殼冬輒含土入蟄及春出蟄則吐之圓重如錫石謂之蛇黃本草會編云人見蛇足為不佳今以桑薪燒之則立出

本草經曰蛇蛻一名龍子衣一名蛇退一名蛇符一名弓

皮抱朴子云南人入山皆以竹筒盛蜈蚣知有蛇之地便放蜈蚣蜈蚣見蛇能以氣禁之蛇即死

蚺蛇

埤雅云蚺蛇大蛇也人可食尾圓無鱗身有班文如故暗錦鱗難死似鼉行地常俯其首膽隨日轉南人取其膽以充藥材即以線合其瘡縫之去後遇捕者即仰臥以示無膽酉陽雜俎云蚺蛇長十丈常吞鹿其膽上旬中旬在心下旬近尾本草註云蚺蛇形似鱧魚頭若鼉頭尾圓無鱗乃鱧所變也南越志云蚺蛇牙有長五六寸者土人重之云辟邪利遠行

蝮蛇

爾雅曰蝮虺博三寸首大如擘郭註云身廣三寸頭大如人擘指名曰蝮虺江淮以南為蝮以北為虺詩云裒今之人胡為虺蜴又曰維虺維蛇又曰虺虺其雷埤雅云蝮蛇一名虺怒時毒在頭尾螫手則斷手螫足則斷足蛇之尤毒者也鼻反其上有針線文衆蛇如生唯腹蛇胎產生輒拆剖母腹亦有與地同色者字說曰蛇螫人者也而亦逸人也是以有它蝮觸之則復其害人也人亦復焉山海經云蝮蛇色如綬文大者百餘斤一名反鼻蛇圖經本草云蝮蛇黃黑色本草拾遺云蝮蛇噬手斷手噬足斷足不

合身糜潰矣及七八月毒盛時常齧木以洩其毒其木即死又吐口中沫于草木着人身即痛爛名曰蛇漢張文仲曰蝮蛇形不甚長頭扁口尖斑身赤文亦有青黑色者人犯之頭足貼着是也又有一種狀似蝮而短有四腳能跳來螫人名曰千歲蝮人中必死然其螫人之後即跳上木作聲云研木研木者不可救也若云博叔博叔尤可急療以細辛桂黃等分末以敷之太康地記云虺毒殺人唯冷石可以解之或云冷石即滑石也冷石色赤黑味苦屑之着瘡中并以切齒立蘇

蝮蛇一作

爾雅云螭蛇龍類能興雲霧而遊其中文子曰螭蛇無足而勝也變化論云螭蛇聽而有孕鷺鷥視而有胎埤雅曰螭蛇龍類也雄鳴于上風雌鳴于下風而風化能興雲霧而遊其中韓非子曰螭蛇遊霧飛龍乘雲雲罷霧除與蚯蚓同失其所乘故也螭蛇能食之自勝者也荀子曰螭蛇無足而飛鼯鼠五枝而窮螭蛇一名神蛇亦名靈蛇草木子曰聞以有翼飛者矣得非鷹鷂乎聞以有翼而不飛者矣得非鵝鴨乎未聞以無翼飛鳥者然亦有之龍與螭蛇是也劉子曰螭蛇附于春霧志在凌霄之遊

爾雅云蟒王蛇註云蟒蛇最大者故曰王蛇述異記云蟒蛇目圓蛟眉交生蓋蟒蛇未變龍者也又名蟒龍水居蛟蜃陸居蟒蛟皆是龍類故君服袞龍臣服蟒龍變與未變之分耳

金蛇○本草云金蛇無毒解生金毒形狀大如中指長尺許常登木飲露身作金色照日有光圖經云江西信州有之名金星地鱈冬月捕之又有銀蛇能解銀毒陳藏器云人中金毒者令其合瞑納銀口中含至曉銀變金色者是藍蛇○本草云藍蛇頭毒尾良身中有約從約斷之用頭合毒藥藥人至死解之法即以其尾作脯食之遂愈其蛇

似蝮形出蒼梧縣

蜚○爾雅云蜚蜚註云蝮屬大眼最有毒郁離子曰天下之至毒者莫如蛇而蛇之毒者又莫如蜚蜚噬木則木萎齧人獸則人獸斃

水蛇○三元參贊曰蛇小而在水中者曰水蛇此物極難死一名蛇婆本草云蛇婆生東海一如蛇常在水上浮游赤鱗蛇○或云赤鱗蛇赤灰色好吞鼠雀亦喜螫人犁頭蛇○或云犁頭蛇頭似犁頭尖背大領螫人必死亦好伏地而行蝮之類也

菜花蛇○黃斑色不喜螫人無大毒若人家有之曰錢

龍王富若干穀園米甕中見之尤妙

猫蛇○出廣南浚山及瓊崖州蛇黑色短身能跳擲善追人毒螫其聲似猫逢其乳子時則蛇必欲螫人方已縱百里必追及之雖捷足亦難逃脫解之法急脫衣擲地則蛇必蟠繞碎齧其衣人方得走蓋其子逢人一見其子必死故也又有人面蛇亦善追人

鰐鰐蛇○蒼白色蛇之最善者尾不甚尖與烏梢蛇相類入人家亦主富

鉤蛇○山海經註云永昌出鉤蛇長數丈尾跋在水中鉤取岸上人及牛馬啖之

冷蛇○襍俎云腹垂至鼯每出則以百練束之至暑月中鼯息不可過其色白不傷人冷如冰雪

白花蛇○本草云白花蛇一名寒鼻蛇諸蛇鼻向下此蛇獨向上有足而行生南地及蜀地其文作方勝白花喜蟄人足有被蟄者立斲之補養即愈或作木脚續之此蛇頭尾各一尺其骨須速棄之不然刺傷人與生者無異能入人宗忽作爛衣氣須急避之其蛇眼至死不陷

蛇蛇○或云蛇蛇腹下有橫鱗可行者

青蛙蛇○本草云青蛙蛇綠色善緣木及竹上大者不過四五尺色與竹木一樣其尾三四寸色異者名螭尾蛇最

毒蛇類雖衆惟虺蜥青蜃為猛或云青蜃蛇一名青竹蛇或草莽中吐絲成網伺人過則出螫人但其目盲無見又名盲蛇專伺網動以螫人也身如人小指大長尺許黃領蛇○本草會編云黃領黃色尖嘴蛇之有毒者

烏蛇○本草圖經云一名香蛇背有三稜色黑如漆性至善不噬物多在蘆叢中嗅其花氣亦乘南風而吸最難捕其蛇至死而眼不陷秤之重三斤至一兩者為上粗大者轉重力彌減也又頭有逆鱗二寸一路約長半斤頭尾相對者此極難得也俗呼斡蛇乾寧記云烏蛇不食生命不傷害人重二兩三兩者雌蛇也重十兩至一鎰者其蛇為

身光頭負尾眼有赤光蛇腹下有白腸帶子一條約長一
寸即是雄也本草云江東一種名黑稍蛇能纏物至死亦
其類也又名烏稍蛇本草衍義云烏蛇可穿銅錢百文者
佳有身長一丈餘者

兩頭蛇○本草云兩頭蛇大如指見之令人不吉一頭無
目一頭無口二頭俱能行出會稽生寧國者黑鱗白章長
盈尺又有夏月而後如蚯蚓大者但身有鱗蜿蜒而行其
尾如首不殲殺亦號兩頭蛇嶺表錄異云嶺外多兩頭蛇
如小指大長尺餘咬下鱗紅背上錦文一頭有口眼一頭
無口眼

蜈蚣○說文云蜈蚣蛇屬淮南子註云黑蜈蚣神蛇也潛于神泉將雨則躍

蝮○說文云蝮蛇屬黑色潛于神泉能興雲致雨鄧璞江賦云神蜈蚣蝮以沉浮觀此則蜈蚣蛇蝮蜈蚣蜈蚣相類而各種也蜈蚣○說文云蜈蚣似猿常在地地下食人腦
蝮○山海經云蝮狀如黃蛇魚翼出入有光

蛤蚧

方言曰桂林之中守宮大者能鳴謂之蛤解郭註云蛤解似蛇匿而短身有鱗彩江東呼為蛤蚧汝潁人直名為蛤
黿本草一名蛤蟹圖經云蛤蚧首若蝦蟆背有細鱗如蚕

子色黃如土長四五寸尾與身等蓋守宮之類也藥力全在尾人如捕之即自齧其尾尾斷因得釋去行常雌雄相隨入藥則陽人用陰陰人用陽也或曰鳴一聲是一年者鳴二聲是二年者

鮫鯉

圖經本草曰鮫鯉似鼉而短小色黑能鳴舊云似鯉魚而有四足能陸能水日中上岸開鱗甲如死蟻聞其腥而入其中蟻滿便閉甲而入水蟻皆浮出因而食之本草會編云鮫鯉出湖嶺山谷中狀如獺遍身鱗甲穴山而居蓋獸之類以其陵居故字从陵又鱗色如鯉故謂之鯉野人

謂之穿山甲以其尾大能穿穴也異物志曰鯪鯢吐舌蟻附之因吞之又開鱗甲使蟻入其中乃奮迅則舐取之

蜥蜴

埤雅云蜥蜴一名蛇医字林所謂蝮蛇医是也舊說蛇体有傷此物輒含草傳之故有医之號也東方朔曰此蜥蜴非守宮也又曰蜥蜴一日十二時变色故曰易也又蜥易嘔電盖龍善变蜥蜴善易故輒以龍况又其書謂之易爻者于其变也象之義出乎象象之義出乎彖易之義出乎蜥蜴皆取諸物也酉陽雜俎曰一名避役又名十二辰蟲脚長色青赤肉髯時見籬壁間俗云見者多稱意其首條

忽更變為十二辰狀爾雅云蝾螈蜥蜴三教珠英云鱗色如蛇而四足亦與魚合方言白如守宮而在潭中者名蜃易南楚謂之蛇医或謂之蝾螈東齊海岱間謂之蜃螭北燕謂之祝蜃考工記註云脰鳴蛙鼃屬注鳴精刻屬旁鳴蜃蜃屬翼鳴發黃屬腹鳴蜃蜃屬骨鳴蜃蜃屬榮原即蜃易也陶隱居云蜃易大而純黃色者名蛇医又名蛇師又名蛇舅母不入藥有小形長尾見人不動名石龍子又有小形而五色尾青碧可愛此真蜃蜴並不螫人蟬史按蜃蜴大小不同五色不等有長二三寸者有長五六寸者有大腹短尾者有小腹尖尾者有青有黃有碧色

者有背上金線一道者絕類蛇而有四足細鱗尖舌不
螫人而亦不避人能以骨鳴與蛇同穴俗呼蛇師

守宮

方言曰守宮西夏謂之蠃蠃或謂之蜥蜴爾雅曰蜥蜴守
宮也說文曰守宮一名蜥蜴埤雅曰守宮喜銀籬壁俗呼
蠍虎以其善捕蠍也博物志曰守宮以朱飼之其体盡赤
擣之萬杵以點女子身赤點不滅故宮中常取點妃嬪壁
上慮有外私也故名守宮蟬史按爾雅埤雅方言說文俱
混蜥蜴守宮為一類殊不知蜥蜴有鱗五色不等在山林
間能吐電與雨守宮無鱗褐色身扁形小好居籬壁以骨

鳴人擊之則尾脫二者大不相類

荀斗○本草云似蛇有四足一名苟叩出潮州

聒聒○字林曰聒聒似蜥蜴居樹上下即鬻人上樹垂頭
聞哭聲乃去

魚

爾雅云鯢魚子鮠小魚註云凡魚之子總名鯢其小者鮠
魚也今江東亦呼魚子未成者為鮠又曰俗呼小魚名魚
婢說文云未成魚曰鮠又曰鯢國語云魚禁鯢鮠禮少儀
云魚冬右腴夏右鰭註云冬氣在上腴腹下肥肉也夏氣
在下鰭脊也爾雅曰魚枕謂之丁魚腸謂之乙魚尾謂之

說文云魚水虫也篆作𩚰象其形也埤雅曰鬼不見石魚
不見水以魚在水而不飲水也又曰鮫珠在皮魚珠在眼
天玄主物簿云魚之懷珠者五十年則無復鼓腮腦上有
汗鬚紫色眼紅色口赤色京房易傳曰海數見巨魚邪人
進賢人踈又曰衆逆同志厥妖魚逆流上又曰魚去水飛
入道路兵且作汲冢周書云立春後五日魚上冰魚不上
冰甲冑私藏周禮云魚宜菰註云魚水畜菰水穀此以同
氣為宜也韻府群玉云二月庚子投池中魚至三百六十
頭即有蛟龍長之風雨即引飛去四六八月各投一龜守
之酉陽雜俎云魚二千斤者為蛟魚湍三百六十年則為

蛟龍引飛出水又曰東海大魚瞳子大如三斗盎又曰武陽小魚一斤千頭陶朱公曰凡魚遠行則肥

鯉

字說曰龍八十一鱗能變者也鯉三十六鱗雖無變而有理者也故曰鯉學林云龍能顯能隱不可制也故為在天之能變者鯉能神化飛越江湖故為在池之能變者養生雜纂曰鯉至陰之物也其脊鱗三十六陰極則陽復所以素問云魚熱中又曰魚勞則尾赤埤雅曰大抵得九六之數者皆有變之理此天地自然之道也蓋龍陽物也故九九八十一鱗鯉陰物也故六六三十六鱗筆談云鯉

脊中鱗一道每鱗上有小黑點文大小三十六鱗汪機云
是脇正中一道鱗耳埤雅云鯉即今之鱖魚也魚之最貴
者故爾雅釋魚而以鯉冠篇養魚經云人所以養鯉者以
鯉不相食易長神農書曰鯉為魚之王今以水養之雖困
鱗不反白蓋健魚也古今註云鯉魚有三種兗州人謂之
赤鯉為玄駒白鯉為白驥黃鯉為黃騅本草會編云皆取
馬名以鯉乃仙人所乘也陸氏曰鱗者隣也鯉者里也鯉
進于魚矣殆亦龍類是以仙乘龍亦或騎鯉乃至飛越山
湖詩云魚麗於罍鱣魴魚麗于罍魴鯉魚麗于罍鯉鯉蓋
鱣魚黃魴魚青鯉魚玄鯉魚白鯉魚赤則五色之魚是備

以見萬物盛多也

陸機詩註云鯉魚之貴者里語曰洛鯉河魴貴于牛羊故爾雅釋魚以鯉為冠異物志云鯉魚有長百步者水經云鯉出華穴三月上度龍門度者為龍退者則暴腮點額古秦記曰魚登龍門化為龍酉陽雜俎曰唐號鯉為赤鯉公以鯉與國姓同音故禁捕之一統志云何氏兄弟九人居仙游東北山中修道又居湖側煉丹丹成各乘赤鯉魚仙去名其湖曰九鯉湖萬花谷云黃帝遊于洛見鯉魚長三丈青身無鱗赤文成字

魴

爾雅曰魴魴郭氏曰江東呼魴魚為魴魚一名魴雅曰
魴魚細鱗縮項濶腹而扁魚之美者蓋弱魚也詩云川
汙汙魴魴甫甫甫美也草木疏云魴魚廣而薄肥甜而少
肉細鱗之美者也青色陽晝謂子賤曰若存若亡若食若
不食者魴魚也肉厚而味美萬花谷曰長腰糯米縮頭魴
鰱

蟬史曰鰱一名鮒熊氏謂之逆鱗陸氏曰此魚好旅行次
沫如星然則以相即也故曰鰱以相附也故曰鮒其魚大
者不過一斤肉厚而味美形似鯉而小色黑而體促腹大
而脊隆所在池澤皆有之寧波志曰出河水中者色白出

湖水中者色黑俗語曰冬鯽夏鱸鯽至冬而肥味甚美
呂氏春秋曰魚之美者洞庭之鮒註云鮒小魚即鯽也
本草云鯽魚小而耐寒亦有長者重二三斤諸魚中最可
食孟詵曰鯽魚是稷米所化故其腹尚有米色埤雅云魚
用鮒十有五而俎蓋十五日魚腦盈數淮南子曰月虛而
魚腦減朱彥修曰諸魚皆屬火惟鯽魚屬土故能入陽明
而有調胃寔腸之功蓋諸魚無一息之停故動風生痰熱

鱸

寧波府志云鱸魚巨口細鱗身有黑點海中四腮鱸皮紫
脆而肉厚名曰脆鮓大者重百斤有江鱸差小而兩腮味

淡有塘鮐形雖巨而不脆一種赤鮐名曰鮓又曰鮓魚作鮓最良生于江河者小生于海者大其肝有毒中之而皮剥落隋唐佳話云吳郡獻松江鱸膾煬帝曰所謂金齏玉膾東南之佳味也

嘉魚

埤雅云嘉魚鯉質鱗肌肉甚美食乳泉出于丙穴吳都賦曰嘉魚出于丙穴先儒言丙穴在漢中沔縣北有乳穴二常以三月取之穴口向丙或又以魚尾象篆文丙字故也一統志云沔縣西北八十里大景山有穴方負三丈餘其口向丙有水潛流二三月有魚長八九寸從穴中出名

曰嘉魚陳藏器曰嘉魚出于丙穴事林類聚曰嘉魚蜀中謂之拙魚又曰捷為夷惜水出嘉魚長三尺二月隨水而下八月逆水而上

本草云嘉魚味甘食之令人肥健悅澤久食力強于乳此魚常于崖石下乳中喫乳石沫所以甚補益味亦甚珍美爾雅云罍謂之汕今之擦罍是也蓋上籠之如罍下潦之如汕淮南子曰罍者抑之罍者舉之為之雖異得魚一也

鰮魚

蟬史云鰮魚一名箭魚腹下細骨如箭鏃生江湖水中而海生者尤大甘肥異常味美在皮鱗之交故食不去鱗富

陽出者尤美此蘇東坡有鱖魚多骨之恨也

草木子云江之水族如揚子大江各有所限江蟹至潯陽則少鱖魚至鴨欄磯則少鮪條魚惟城陵磯冬至前後始有之亦由地氣使然也

石首魚

爾雅翼釋云鱖字林云鱖一作鮠石首魚也郭註江賦云鱖鯪順時而往還異物志云石首小者名躡水其次名春來蓋其來以春也吳地志云石首魚至秋化為冠鳧

物產志曰石首魚生于海似鯢而小大者不過三斤皮緊肉細尾鬣黃色一名黃魚魚首有鮠堅如石故名石首魚

冬月得之者良三月八月次之至四五月海艘捕之
蟬史云一名洋山魚洋山出魚所也魚能鳴網師以長竹
筒揀水中以聽之聞其鳴則下網每獲千尾鹽醃之曝乾
名曰白鮫浙人呼為鮫魚其腸中鰾名曰魚膠其魚腸魚
子魚鰾皆為土人所重蘇人藏冰于窟夏則載冰往海濱
雜魚干冰中盛暑亦不腐名曰冰鮮杭人呼為江魚進貢
朝廷為御厨珍品一名黃花魚一名鰮魚一作鰮魚生于
寧波東海中本草會編云石首魚生東海初出水能鳴夜
視有光魚鱗生黃如金頭中有石初春尚小謂之報春魚

梅魚

臨海異物志云石首小者名噴水蟬史云即梅魚也似石
首魚而小大者如指味頗佳色黃金色頭大于身人呼為
梅大頭出四明梅山洋故曰梅魚或曰梅熟魚來故名

青魚

圖經云青魚生江湖間似鯢而背正青色南人多以作鮓
古作鯖字所謂五侯鯖者是也頭中枕蒸令氣通曝乾狀
如琥珀可以作器皿其膽滴目中能黑夜見物

白魚

爾雅曰鯉部註云今偃額白魚也埤雅曰鯉魚偃鯉魚俯
魚麗之詩云鯉鯉言其一俯一仰以著萬物衆多也

本草云白魚大者六七尺色白頭昂額偃

鰱

蟬史云鰱一名撐魚又名撐鰱以其若條然故曰鰱性好浮似鰱而白似偃而小俗呼小白魚又名撐白又名白小其形狹而長偃額昂頭大者如足拇指江淮間謂之鰱蓋撐訛為食也此魚冬沉水底夏浮水面群聚紛拏故曰撐條詩曰鰱鰱鰱鰱蓋鰱大于鰱鰱大于鰱又其味鰱不如鰱而鰱不如鰱也

鰱魚

一作鰱

爾雅曰鰱黑鰱蟬史曰即鰱魚也一作鰱鄣璞以為白鰱

非也或云細魚乃鳥所化頂上尚有細骨如禽毛寧波府物產志云本府錫貢鰯魚墨魚鱗魚又曰鰯魚生海中江湖中亦有之專游淺水中食泥頭扁口小身圓肉厚形似鱖魚大者重二十斤青色味絕美其腹中子人尤珍之此魚性慧不入網畧海人以長網圍之俟潮退取之名曰串網允海中魚以大噬小雖鱖魚最小猶吞細蝦唯鰯魚性瀉不食其類本草云鰯魚味甘似鯉身圓頭匾骨軟眼赤

子魚

遁齋閑覽云甬陽通印子魚名聞天下彼有通印侯廟廟前有港生魚甚佳今人必求其大可容印者謂之通印子魚

歷史云閩中鮮食最佳者子魚長七八寸濶三二寸剖之
子滿腹冬月正佳莆陽迎仙鎮有通應侯祠前水曰通應
溪潮汐上下土人以醃淡水不相入處魚最美俗呼通應
為通印者誤也宋黃公度嘗云莆中所產唯子魚紫菜荔枝
蠔房

鱠魚○埤雅云鱠一名黃鱠性浮而善飛躍陸機曰一名
黃頰魚燕頭魚身頰短骨正黃魚之有力解飛者一名黃
楊舊說此魚膽春夏近下秋冬近上一名鮓一名鱖
青鱖魚○蟬史云青鱖生南海中奉化者尤佳其形類鱗
魚而小大者長五六寸濶三指冬月肥美海味之珍貴者

背青色細鱗區脊腹骨亦如箭鏃食之須去頭中魚虱
鮠魚○蟬史云鮠俗作鰲似石首魚而頭鮠細鱗似鱸生
海中大者重百斤三頭者曰鮠四頭者曰茅鮠魚之味佳
者又小者名鮠姑慈谿定海象山奉化俱出

澤魚○物產志云澤魚似鰻魚而小生海中大者如刀柄
小者如拇指頭骨軟而甘美蓋形類鰻而甚小猶梅魚之
類石首也

鱠○埤雅云鱠似鰻魚而鱗細于鰻赤眼爾雅云鮠鱠郭
註云似鰻子赤眼孫炎正義云鱠好獨行

鮠○郭璞云鮠鱠魚也一作鰻

蟬○蟬史云蟬子形類鰻魚而頭小頗負一名住魚蓋鱗
魚好躡住魚好住性頗相類而形亦相同也食草味淡
短魚○物產志云短魚項縮而短為鮐極美色微紅
黃鯽○蟬史云黃鯽海魚也長二三寸似刀魚而短小醃
而曝乾名黃鯽鮓

製魚○蟬史云製魚板身多硬長五六寸味極肥腴以糟
泥之可作湯胛陽襍俎曰寧菓果世宗不去製魚額
鮓魚○說文云鮓一名鱖魚出東萊

箬魚○蟬史云魚如一箬故名箬魚絕類比目魚而獨行
細鱗紫色亦止一目一名箬提魚極大者名鰭鰻生海中

或云即比目魚

比目魚○寧波志云比目無細鱗而身匾若半片然止一目狀若昌侯魚而小曝乾可致遠二魚合而能行不合則不能行酉陽雜俎云王者德及幽隱則比目魚至埤雅云比目魚狀若半脾細鱗紫黑色兩片相合乃以遊行不合則止今俗呼鞋底魚

五色魚○一統志云龍門東北流水出五色魚人不敢取因謂魚龍川錢塘傍江居民宋時甲辰年得魚脩五色鯽首鯉身

金魚○蟬史云金魚體如金一名火魚一名赤魚有金鯉

金鯽金鱖數種有通身赤者有半身赤者有亂赤文者有
背赤文作卦形者有頭赤尾白者有鱗翅紅身白者色象
各各不同杭州吳山井內大者重十斤俗傳有神守之玉
泉寺一池金魚亦重十餘斤者群游水上不畏人抱朴子
曰丹水出丹魚先夏至十日夜伺之魚皆浮水赤光如火
網而取之割其血塗足可步行水上一統志云碧鷄山下
洞內有金綠魚名金魚泉岳州幕阜山頂有芙蓉池產金
鯽韶州湯泉有赤魚游泳其中不畏熱寧波志云火魚頭
巨尾小身圓通赤

鱖○蟬史云鱖似魴而長弱鱗白色北土呼為白魴魴者

與也性好旅行相與之義也一名鱧魚失水則死。弱魚青
鱧曰鱧白鱧曰鱧蓋魚之不美者里語曰網魚得鱧不如
啖茹

鱮○蟬史云鱮似鱧而身青色有淡黑斑鱗頭大與身等
謂之胖頭魚俗呼皂包頭味之庸下者故曰鱮性食草味
極淡弱魚也浙人好養于池塘中本草云鱮一名鮠魚似
鯉而脊不高

蜜姑魚○蟬史云明州它山溪中出蜜姑魚似白魚而小
圓身細鱗味極美大者長一尺冬月有之

鱧魚○呂經云鱧魚似鮑魚而亦臭差微今沔州漢州作

之餘處皆未識

鱖魚○鱖似鯉一目

鱖魚○山海經云鱖魚狀如鯢蒼文赤尾

鱖魚○山海經云鱖魚黑文狀如鮪食之令人不腫

鱖○爾雅云鱖是鯢註云鱖鰭屬也體似鱖尾似鮪魚大腹喙小銳而長齒羅生上下相銜鼻在額上能作聲少肉多膏胎生健啖細鱗體有班文大者長丈餘埤雅曰鱖魚亦有懷珠者一統志云廣州鱖魚最大者數年一至南海甬前至則必有疾疫

海鰐○爾雅云鱖當鰐註云海魚也似鰐而大鱗肥美

骨硬

江東呼最大者曰當魛。蟬史云海鯽形類魛魚一名刺魛。蓋大者名海鯽小者名刺魛。骨俱硬齒羅生肉堅而美一名石磔魚。

青郎○蟬史云形類海鯽而大爾雅所謂當魛是也一名柳磔魚形類柳磔故也。硬鱗剛骨齒如鐵鋸。嚼螺蛤成粉大者重二十斤。味極佳。海濱人取蚶苗養于塘礫之間謂之蚶田。惟忌青郎。隨潮入田吞嚼殆盡。

方魚○蟬史云方魚形方生海中。身似汲硯水盂。頭似龜尾長寸許。皮如鱗魚。背有赤文一道。亦難得之物。

魛魚○蟬史云魛魚似鯽而小。四五月有之。生淡水中。俗

呼康鯽魚本草云脊隆肚大者是鯽背高腹狹小者是鯽人亦稀見大者長二寸魚之小者也

鰮魚

○鰮

音如魚而鳥翼出入有光音如鴛央

海出山

鰮魚

○鰮

魚狀如鵲而有十翼鱗在翼端聲亦如鵲

出山

鱧魚

○山

海經云英鞮山浣水出焉北注于暖陽之澤

多髯鱧魚蛇首六足其目如朱馬耳食之使人不昧佩之

禦凶

鮑魚

○一


統志云桂林龍鑄山石洞數重有魚四足有角

傷之致風

而名鮑魚

釋史集卷之七終

蟬史集卷之八



鱗虫類

鱧

爾雅云鱧大鯛小者鮓養生襍纂曰烏鱧魚屬北方壬癸
主夜朝北不動頭戴七星人不宜殺

埤雅云鱧一作鮓一名鯛今之烏鱧魚也諸魚中唯此魚
膽甘可食有舌鱗細有花紋一名文魚一說與蛇通氣其
首戴星夜則北向又色黑蓋北方之魚也詩云魚麗于罟

鰮鮓其次曰魴鱧又其次曰鯢鯢蓋鰮鮓小魚魴鱧中魚
鯢鯢大魚亦以其鰮鮓之美不如魴鱧魴鱧之美不如鯢
鯢也今齊魯之間魴為下色鯢為中色而鯢為上色本草
言鱧是公蠺蛇所化至難死雖斬頭身猶能動猶有蛇性
或謂之鱣此魚胎生與諸魚卵生者不同一產不下五百
子皆隨母而行母輒啖食之付不留五其性首捷吞噬諸
魚池塘中有之則諸魚無焦類矣觀其有子則蛇化者也

鰮

爾雅云鰮歸部註云小魚也似鮓而黑俗呼魚婢江東呼
為妾魚山海經云鰮魚大口細鱗有班彩羅氏曰鰮魚巨

口細鱗鬚鬣皆黃質黑章皮厚而肉紫斑皮鮮明者雄
晦昧者雌盛熱時好藏石隙中漁者貫一雄者置溪旁群
雌來鬻曳之常得十數尾能食小魚蓋鰕有大肚故能嚼
魚本草云鰕一名鰕豚一名水豚三元參贊云鰕魚背有
十二髻骨每月一骨毒能害人宜盡去之

鮑

圖經云鮑魚形類鱗魚生海中極臭額傍有骨名乙長尺
許本草註云鮑似尸臭以無塩也或云鮑魚去腸淡乾魚
也周禮云蘧人膳鮑

鰓魚

璽史云鰓魚一名昌侯魚縮項匾身似魴魚而短鱗細白色生海中以其與諸魚匹如娼然故名四月則生六月少矣又云鰓魚一名鱗魚身扁而銳狀若鐸刀身有兩斜角尾如燕尾細鱗如栗骨軟肉白味甘美春晚最肥

鰓魚

山海經註云鰓狹而長大者長尺餘說文曰鰓飲而不食刀魚也形似小尖刀本草云鱗魚有鱗長尾扁身璽史云鰓俗作鱗魚一名刀魚爾雅云鰓鰓刀郭註云鰓魚一名刀魚子多而肥夏初曝乾可以致遠形頗類科斗而長大純白色有細鱗江海中皆有之

旁皮魚

汪機云旁皮魚一名婢妾鯽似鯽而小黑色而腸赤其行以三為率一頭在前兩頭在後若婢妾之狀故以為名今人呼為旁皮鯽蟬史云旁皮魚生溪河中小魚也長一仁冬名寒胖魚夏名旁皮魚多腸少肉皮薄蓋訛以薄為也

鯽

爾雅云鯽鮓魚郭註云今吹沙小魚體圓而有點文生于溪中大如指蟬史云鯽性善沉大如拍狹圓而長有黑點文常沙行于沙中乳子一名吹沙有二種一種身圓形似杜父而小俗呼撻沙一種身扁而有班點頭似鰲俗呼沙

鰲詩云魚麗于罟鱣鮓云蓋鱣也鯉也鮓也其性浮其形小其身偏而頭昂魚之弱者也鮓也鯉也鱣也其性沉其形大其身圓而頭俯魚之強者也又鱣色黃鮓色青鯉色玄鯉色白鯉色赤五色具焉故此詩兼大小浮沉美惡形色之不同則可以知天下萬物之多矣字指曰鰲鯉屬張衡云縣淵沉之鯉鰲

按鰲魚奉化人呼為新婦臂頗為珍品異物志云吹沙長三寸許背有刺螫人異名記云鮓似鯉而狹小

杜父魚○釋史云杜父魚一名吐哺魚似吹沙而大黑皮細鱗如粟無鬣俗呼主簿魚蓋杜父訛為主簿也一名土

附以其性沉似鯨附土而行長四五寸一名杜部生溪澗中者頭匾頸紅人呼新婦魚另一種也

杜嚴魚○蟬史云杜嚴魚生海金上穴居一名杜魚形似吹沙而長有黑紋介鱗味美杜父之類也

肋魚

蟬史云肋魚似時魚而小生海中身薄骨細冬天出者名雪映魚味佳至夏則味減矣以巨艘入海捕之率以夏至前後為期惟淮安通州者最佳

石斑魚

遼齋閑覽云南方溪澗中有魚生石上號石斑魚作鮓甚

美至春有毒不可食以其與蜥蜴交也草木子曰石斑魚好與蛇交陳藏器云石斑魚生山澗中長二三寸取之作鮓蟬史云石斑魚一名石魮魚溪魚也体有斑點味甚美長二三寸吹沙魚之類也蛇交之說虛誕

鮓一作魮

蟬史云魮亦胎生子隨母出入母腹海內有一種魮魚則有一種魮魚如虎魮虎魮牛魮牛魮之類是也形如覆笠有肉翅能刺人中之者以扃煮湯洗之及海獺皮亦解之內堪作脯脂可燃燈夏夜燃之蚊蚋不敢近滴田中禾稻焦死以尾刺釘木木立枯一名魮說文曰魮魚似魮無脚

無頭無足有尾口在腹下或云形負似肩無鱗色紫黑口
在腹下尾長于身尾端有刺甚毒子皆胎生隨母而行一
遇驚濤則入母腹有虎魼劍魼狗魼牛魼鹿魼錦魼即鮫也
白眉魼青魼黃魼鮫魼燕尾魼斑魼鋸齒魼一名鱣魚
一名鯢魚一名鮫魚

鱣魚○水土物志云鱣魚如負盤口在腹下尾端有刺
虎魼○一名虎鮫頭似虎而身似魼魚俗呼虎頭魼山海
經曰虎鮫者其狀魚身而蛇尾虎頭有翼音如鴛央
劍魼○喙有直骨如劍魼身長尾
狗魼○與狗鯊相類但身似鯊而大有尾無足

牛魼○牛頭尾似蛇而有毒一名魚牛身亦有刺山海經云狀似牛陵居蛇尾有翼在膊音如牛冬卒而夏生一名鯨鹿魼○身有鹿斑文頭似鹿而魼身鮫即錦魼也

白眉魼○有眉白色魼魚之大者作脯中食俗呼白眉毛青魼○言最美者青黑色黃魼黃色味最美

軟魼○大者廣二三丈重五百斤形似大團箕味最劣燕尾魼○頭有兩岐似燕尾斑魼身有斑點

鋸齒魼○一名邵陽魚一名地青魚一名鼠尾魚似鯨而有肉翅能飛上石頭故又名海鯨魚齒如石板生東海中鱖魚○形似魼肉亦以鹽裹曝乾名鱖鮓俗呼老鴉鮓

鮫

埤雅曰鮫似鱉而無足背文麗錯皮間有珠可飾刀靶又曰龍珠在額鮫珠在皮本草曰鮫魚圓廣尺餘長尺許無足有尾皮有珠偶可以裝刀靶牒于鯨魚皮山海經曰文魼魚形如覆鮑鳥首而魚尾音如磬生珠玉文選江賦云文魼磬鳴而孕璆又名輔魼魚汲冢周書曰伊尹為四方令日請令以魚交之鞞○魼之醬鮫敝利劍為獻註云敝盾也以鮫皮為之鮫文魚也述異記云南海有鮫人之室水居如魚不廢機織成鮫綃其服能泣而出珠郭璞江賦云淵客築室于巖底鮫人構館於懸沅

淵客即鮫人也一名鮫客

博物志云鮫人水底居出向人家賣細綃臨去索主人器泣而出珠以謝主人左思賦云泉室潛織而卷綃淵客慷慨而泣珠搜神記云鮫人不廢緝績能泣而出珠
蟬史云鮫魚一名錦鯀乃鯀魚之別種也亦胎生子子隨母行波濤雷電子孺入母腹背上有甲珠文堅強可飾刀靶一名文魮魚或曰鯀魚大者名鮫其次曰錦鯀皮亦有沙擦

鯀魚

蟬史云鯀魚生海中大者長二三丈能食人皮有沙刺故曰沙魚一名錯魚亦名鮫魚爾雅翼云鮫一名錯魚最健

猛人呼河伯健兒凡魚唯紅魚與鯢魚皆胎生子嘗隨母而行遇風波則入母腹波靜則復出其類甚多各因形狀異名與紅魚俱名鮫魚今將餘種列註于後

白蒲鯢○如鯢魚而白色尾如鮎皮微有刺連皮煮味似河豚

牛鯢○一名牛皮鯢頭似牛而無角魚尾無足皮甚堅一名魚牛登州有海牛無角長丈餘紫色足似龜尾若鮎魚性捷疾見人則飛赴水皮堪炙韃脂可燃燈

狗鯢○狗頭魚身聲如狗吠形類彈塗而大大者長丈餘好伏泥塗中而吠見人則驚入水養生雜纂曰章魚冷而

不泄狗魚煖而不補

鹿鯊○雷州海濱出鹿鯊一名鹿魚一名鹿文鯊高州海中出鹿魚頂似鹿而有角身斑文而魚尾山海經註云海中有虎鹿魚體皆如魚而頭如虎鹿又郭璞江賦云或鹿鰐象鼻或虎狀龍顏異物志云鹿魚長二尺餘有角腹下有腳如人是

鯪鯪○形小而短身有細刺可以剉物又志云小而皮麤者名曰白鯪皮如鮫而無珠可以摩木及器皿使光潤亦可以錯刀靶

虎鯪○虎頭魚尾巨口長身能化虎入島嶼食人名曰鯪

虎又名魚虎本草云魚虎生南海有毒背上刺着人如蛇咬皮如蝟有刺頭如虎

鐵甲鯊○一名鰲魚大者長二三丈能吞噬人身鱗如鎧甲黑色可以制甲

鋸鯊○一名鰭鰭橫骨在鼻前如斧斤此魚所擊無不中斷雷州惠州最多身長二丈口長六尺廣三寸左右齒如鋸一名狼藉魚

劍鯊○一名胡鯊最大而長鬚如劍劍口對排牙棘人不

可近大者長二三丈肉亦美而可食

瞭影鯊○

人在舟中影落于水此魚見人影飛擲攫人下

水而食

鰕魷○形似鰕魚燕尾鰕尾如燕分尾二岐犁頭鰕頭似犁銳而長尖銳刺人香鰕体有香氣熨斗鰕頭如熨斗丫髻鰕頭如丫髻刺鰕身有刺如蝟不可近

斑鰕○身有斑文縱橫黃頭鰕頭黃色青頸鰕青色白眼鰕白色眼白鰕鰕類白蒲鰕肉美可食

羊頭魚○襍俎云周陵溪中有魚其頭如羊俗呼為羊頭魚豐肉少骨味美諸魚一名魚羊

海驢○蟬史云海驢有二種一種類獸有毛有足一種魚類無足有尾皮光無毛登州有海驢島與海中島相近常

以八九月上島產乳其皮水不能濕可以禦雨

海狸○一統志云文登縣有海狸上島中產乳見人則入水去狸頭魚身

海狗○蟬史云形如彈塗而大好伏泥塗而吠絕類狗聲腮下兩翅如足魚身多胎魚之類也

海馬○一統志云海馬馬頭魚黑色長五丈餘荊州記云襄水中有物如馬甲如鯪鯉七八月中好在磧上自曝騰頭似虎掌爪小兒欲取戲弄便殺人張華曰海獺海牛海馬海驢等皮在陸地候風潮亦能毛起或云頭皆如獸而身則魚也身皆脂膏而無肉蟬史云海馬有獸身者有魚

身者

鰈魚○大盈丈腹有洞貯水以養其子兩洞容四子子朝出食暮入宿出從口入從臍

鯨

說文云鯨大魚也一作鯨蟬史云魚之大者為鯨鯢小者為鰈鯨鯢雄也鯢雌也鯨大者長數千里小者亦長數千尺一名鯢眼似明月之珠鼓浪成雷噴沫成雨鯢亦長千里生海中韻府群玉曰鯢四足有刺廣州記云鯨鯢目即明月珠也古今註曰鯨大者長數千里小者數千尺鼓云而生海中水族驚畏皆逃匿莫敢當眼睛為明月珠

唐書云鯨睛大如斗黑水靺鞨大拂涅部開元間獻鯨睛
貂鼠白兔寰宇記云惠州海屿得鯨頭骨如数百斛圓頂
上一孔大如甕岳州有大鯨湖嘗有大鯨飛天而去

東都賦註云海岸獸名蒲牢聲如鐘而性畏鯨鯨躍輒鳴
故鑄鐘紐作蒲牢形其撞木作鯨形釋氏要覽云取鯨魚
擊蒲牢則鐘大鳴莊子曰北溟有魚其名曰鯢大不知其
幾千里也化而為鵬搏扶搖而上者九萬里將造南溟也

鯪魚

一作鰐

秀水閒居錄云鯪魚之狀龍吻虎爪蟹目鼉鱗尾長數尺
大如箕芒刺成鈎仍有膠黏多于水濱潛伏人畜近以尾

擊取蓋猶象之任異也永州記云鯪魚大者凡數丈能食人一生百卵及成形則有為龜為蛇為蛟者

嶺表錄異云潮州釣得一鯪魚其大如船画以為圖其形如鼉喙長半身牙如鋸齒尾有三鉤極利搜神記云扶南王范尋養鯪魚十頭犯罪者投與噬之不噬者赦之史云韓愈貶潮州有鯪魚作害愈為文祭之鰲徙西海去六十里

海鰐

韻會云海鰐似鰐而大長數十里穴居海底入穴則海溢為潮出穴則潮歸為汐出入有節潮水有期水經亦云

酉陽雜俎云東海巨魚瞳子大如三斗盎

蟬史云海鰐鯨鯢之類海中大魚也志云海鰐大者長數十丈無鱗有鬐似鰐形而黑色海中浮載如一二里山俗呼浮礁皮肉純膏膏下有肉肉醃之如牛脯膏煎之如油可燃脊骨大如白眼如珠而大嘉靖間定海昌國有鰐乘潮撞入巖裂內潮退不得去長十餘丈高丈餘隔脊不相見土人剡其肉經三日尚能動以木撐其口可容數十人剡至五日方盡取其目及肋骨獻海道譚公綸

閩中記云霍童山井中有海鰐甚巨若弄水堰沒天即大

而或先霖潦弄水則晴夷堅志云廣州設船過南番貿易

路經海心深澗處忽見十餘山乍出乍沒此非山乃鯢魚背也目如閃電著鬣若簇朱旗日中忽雨霖霈此鯢魚噴氣水散于空若雨耳

鮪

爾雅云鮪鮪鮪郭註云鮪鯉屬也大者名王鮪小者名鮪一種狀如鯉而小人呼鮪子即此魚也李奇曰周洛曰鮪蜀曰鮪似鯉青黑頭尖口在腹下一名鮪魚詩曰鮪鮪鮪鮪匪鯉匪鮪埤雅曰鮪青黑色長鼻體無鱗甲肉色白味不如鯉大者長七八尺岫居至春始出而浮陽北入河西上龍門入漆沮見目而目眩故詩言漆沮及河通通此

魚夏小正曰祭鮪蓋鮪者魚之先至者也而其至有時故祭必記鮪仲春從河西上得過龍門便化為龍否則點額而還羅氏曰鮪形似鱣而青黑頭小而尖似鉄兜鍪口亦在頷下其甲可以摩姜大者不過七八尺肉不如鱣月令云季春獻鮪于寢廟是也水經云鮪出犖穴直穴有渚謂之鮪渚周禮春獻王鮪郭璞江賦云魚則江豚海稀鮪鮪王鮪淮南子云鵜鵠飲水數斗而不足鮪鮪入口若露而

鮪蓋魚生水中而腹不
死受水口納而腮出

鮪

部註爾雅曰鮪大魚也似鱣而短鼻口在頷下體有斜行

甲鱗一名黃魚以其肉色黃也一作鯉一作鱣

埤雅曰鮪魚白鱣色黃鱣大魚也似鯉口在頷下無鱗長
鼻軟骨俗謂之玉板大者長二三丈古今註云鯉之大者
為鮪鱣之大者為鱣非也詩云有鱣有鮪鰈鰈鯉言鮪
矣而又言鰈鯉則鮪與鯉異矣詩云施罟濊濊鱣鮪發發
鱣鮪捷魚故其跳躍發發

顏氏家訓曰鱣魚純灰色無文或云有文羅氏曰鱣魚大
如五斗奩軀長一丈純灰色無文骨軟肉黃蓋鰈屬也單
水子曰鱣魚三月上旬于孟津禱俎云蜀中每殺黃魚天
必陰雨

鱖

鱖史云鱖一作鯢似鱸而大江湖皆有之鼻長如鵠脊
又名鵠脊魚無鱗有青黑斑文作鱗甚美口在頷下一名
鱖鯉魚陳藏器云鱖皆如龍長鼻長一二丈鼻上肉作脯
名鹿頭脯

鯢魚○詩云牧笱在梁其魚魴鯢朱子註云鯢魚大魚也
我曰魚目不瞑曰鯢子思曰鯢貪以死餌人貪以死祿
鰻魚

鱖史云鯢名鰻鰻魚生江河者短小名時鰻生于海者形
大而如蛇名曰海鰻面經云鰻鰻魚似鱗而腹大青黃色

云是蛟蜃之類善攻碕岸能緣樹食藤花歟州有一種背有五色頭似蜺蛇一名獨狗魚

埤雅云鰻無鱗白腹似鱸而大青色其烟氣辟蠹有雄無雌以影湯鱧而生子趙辟公襍記云凡胎抱者鵠鵲鵲雀也影抱者鰻鰻鰻也有鰻鰻魚以影漫于鱧魚則其子皆附于鱧之著鰻而生故謂之鰻鰻也又曰鰻能產鰻善乳其子三系之二為鮎其一鰻也按埤雅之說無據今江湖生者況江鰻附鱧產中無鰻之處鰻何從生鮎能產鰻尤為異說辟之者名胎仙胎鰻口吐鰻傳久矣事非傳學之

即病

鰻鰻一作

爾雅云鰓鰵郭註云今泥鰵也孫註云鰓尋也尋習于泥
厭其清水一種生沙中者似鰵而細黃質黑斑味美名沙
鰵埤雅云泥鰵似鱖而短無鱗以涎自染雅握與魚為牝
牡莊子所謂麋與鹿交鰓與魚遊一名鰓又曰守魚以鰓
養魚以鰓蓋鰓性首健善擾令魚利轉恩平郡譜云鰓謂
之蚌蝦謂之籠鰓謂之衫蛇謂之訛
按鰓生泥水中則背

鰓一作鱖
一作鰓

蟬史云鰓似鰓而長無鱗有涎黃色俗呼黃鰓生溝瀆田
渠淺中水好穿穴甲塋因以泄水為農夫患焉或云胎生

子從腹下出初生漸大陶隱居云是荇荇根所化或云是
人髮所化今腹中自有子不必盡是變化也鰻頭昂起寸
許者名昂頭鰻乃蛇所變者不可食

陳藏器曰夏月干淺水作窟似蛇冬蟄夏出啓聖記云鰻
是赤國形類聖蛇宜放不宜殺梁韋琳以鰻為粽樊將軍
又以為油蒸校尉又以為臛州刺史

鮎

爾雅註云鮎別名鰻江東呼為鰻有鬚無鱗身上有涎難
握或曰形如科斗大者重十斤

鰻○爾雅云鰻大鰻小者鮎郭註云鰻似鮎而大白色

經本草云鮎魚大者名鰻能吞蛇大者重二三十斤蓋黃鮎謂之鮎白鮎謂之鰻黑鮎謂之鰻俱有鬚無鱗

鮎魚○蟬史云鮎魚一名白河豚黃白色形類鮎魚而肉硬黃鮎之類也一名鰻魚背亦有刺一條性沉不好浮故草木子曰鰻浮水面鮎沉水中或云鮎肉柔而鮎肉硬鮎皮黑而鮎皮黃俱生江湖中日華子曰鰻魚一名鮎魚黃鮎魚○陳藏器云黃鮎魚生溪澗中背皮及兩頤邊皆有刺寧波志云黃鮎頭大身有刺無鱗黃色似鮎魚而小蟬史云大頭澗口長二三寸黃色人按其頭能軋軋作聲俗傳獵祭魚取此魚以作巫祝膳故又名魚師

泥魚○蟬史云泥魚出東海塗中似吹沙而大無鱗好在泥中秋冬味美至春產子空腹身長如索名曰爛草索瘦而無味矣

印魚○襍俎云印魚長一尺三寸額上四方如印有字諸大魚應死者以印封之

鰓魚○襍俎云凡諸魚欲產鰓魚輒舐其腹世為衆魚牧生母

鯢魚

本草云鯢魚似鮎而有四足聲如小兒其膏燃之不消謂之人膏荊州青谷多此魚一名人魚一作兒魚此魚能上

樹天旱則含水上山以葉覆身張口鳥來飲水則取之
郭爾雅註駟曰鯢魚似鮎四足前似獼猴後似狗聲如小
兒啼大者長八九尺又註曰鰟鯢也唐韻曰鰟似鮎四足
寇宗奭曰鯢魚形少類獼有四足腹重墜如囊身微紫色
嘗剖之中有三小蟹又有四五小石塊如指小魚五七枚
無鱗與鮎相類

龍魚

山海經云龍鯉陵居其狀如鯉一名龍魚一名飛魚以其
能飛也頭似龍魚身一角郭江賦云龍鯉一角奇觴九頭
譚史云如龍有翼無足生海中能飛長七八尺鬚鬣赤色

故又名緋魚今將軍所佩子袋曰緋魚袋是也魏山河中
多飛魚狀如豚赤文有角佩之不畏雷電亦可禦兵

文鯪魚

襍俎云朗山浪水有魚長一尺能飛飛即凌空息歸潭底
陳藏器曰文鯪魚出南海大者長尺餘有翅与尾齊一名
能飛一名飛魚群飛水上海人候之嘗有大風山海經云
勞水多飛魚其狀如魴

人魚

山海經云西海姑射山有陵魚人面人手魚身見則風濤
起稽神錄云謝仲玉見婦人出沒波中腰以下皆魚也康

鮪傳云淮水暴漲有怪物隨水而上或人頭魚身或龍形
馬首草木子曰陸生之物水中必具但巨于陸者水中必
細細於陸者巨于水也魚飛鳥類也鳥翼長魚翼短鳥頭
小魚頭大鳥尾長魚尾短龍蝦類也蟹蜘蛛類也蝦蟇
類也石蠹蟲類也龜鰲甲蟲類也螺蛳胎生類也鼃蟾走
類也蛙黽裸蟲類也

馬交魚

蟬史云馬交魚形似鱗其膚黑色無鱗有斑逢春社而生
一名社交魚生南海中銳觜彙尾近尾處有一細切鮮者
味美踰時味變經宿則腐矣魚之弱者也凡魚軟骨性弱

此魚骨極軟故不耐久一名攢湖魚廣州志云廣海中有
赤魚鱗魚解龍魚鳳尾魚短脰魚馬交魚

扁跳魚○似馬交魚而大馬交身圓而扁跳身扁無鱗有
黑斑腹下微白色生海中一種小而身負者名砧板魚亦
其類也尾畔各有一肉粗味下

烏鰐魚○鱣史云烏鰐魚似馬交魚而大一名烏鰐百數
成群好戲波浪中南越志云烏鰐魚通身黑色長二三丈
者有之水土物志云烏鰐鹿文未目或云烏鰐八江主有
水災江豚之類也

黑頭魚○一統志云嘉定州出黑頭魚形如鱣長者及尺

惟鄆璞臺前有之世傳璞看書臺上魚吞洗硯之墨故魚首黑

脩魚○蟬史云脩魚似鷄赤尾六足四目柳子曰石魚之山有麓環之衆多綠首之魚及石鄉多脩魚一統志云建昌縣有脩水卽璞云有水名脩有魚多脩天下大亂此地無憂

異魚○一統志云常州順山有潛虬泉幽深澄泓中有異魚四足能行率數歲一出出必有灾

蚌魚○山海經云英山愚水出焉其中多蚌魚狀如龜而魚尾二足其音如羊

鰓魚○惠州海中生鰓魚大如指長八寸脊骨柔滑

筭魚○惠州生筭魚色白如筭長尺餘

俱出惠志

帶魚○蟬史云帶魚無鱗身如帶而白色形扁若劍又名劍魚止有脊骨一條大者長四五尺生東海中

婢妾魚○一統志云梧州有大荒山山泥中有婢妾魚如楷兩翼及臍下有三條如練帶長四尺許搖動有光

魴魚○魴魚似馬鞭尾有兩岐如鞭鞘故名魴魚

華臍魚○寧波志云華臍魚一名老婆魚一名綬魚蓋其腹有帶如帔子生附其下故名綬魚形如科斗而大者如盤一名琵琶吳都賦註云琵琶魚無鱗而形似琵琶冬初

始出俗多重之至春則味降矣

鰮○說文云鰮皮有文出樂浪東施汲冢周書會解云楊州禺禺魚名解隄冠註云奇魚名也漢書云東海瀛園有班魚皮

秦皇魚○禰俎云秦皇魚長五六尺腸胃成胡鹿刀梨狀之黃雀魚○惠州志云惠州有黃雀魚常以八月化為黃雀十月後復入海為魚

河豚

蟬史云河豚腹白背青黑体有黃文皮有沙刺眼能開閉觸物輒怒腹脹如鞠浮于水上一名嗔魚在河名河豚在

海名鯢魚又名鮭魚一名鯢魚又名鮭魚又謂之鰻
夷魚味至美其肝與子有大毒其腹無膽其頭無顙故肝
有毒唯橄欖木魚若木解之或云獨眼者尤毒不可當雖
獺及大魚皆不敢啖

本草云鯢魚肝及子有大毒入口爛口舌入腸爛腸煮之
不可近當以物懸之一名鰻夷魚腹無膽頭無顙此魚
行水之次物觸之輒怒氣脹浮于水上為鰻鰻所食皮如
海鯊魚腹白背青江海皆有之一名蒲魚韓子所謂蒲魚
尾如蛇口眼不相容者是也會編云河豚其出有時率以
冬至後來每三頭相從號為一部蓋中孚十一月冬至之

卦此魚應之而來故易中孚卦云信及豚魚豚魚河豚魚也蟬史又云河豚生海中者名鯢魚三月取之大率月初者為頭水魚肥而無刺中旬及下旬者多刺而瘦若蘇常淡水中生者名河豚亦在二三月得之又有一種小而白腹背亦有刺形似杜父魚而無鰓背有橫紅紋一道人呼鯢魚乃河豚之小者按今河豚冬至並不曾網得會編附豚或氣善怒每伏水底必投網于上故意以物觸之彼將奮怒而上逐為所獲吳人珍之目其腹腴為西施乳此物唯二月甚美至四月則甚刺如蟬不堪食矣

江豚

山海經云鱣魚其狀若鼈而彘尾郭註云今海中有海獺

体似魚頭若豕水土物志云海豨豕頭身長九尺

鄆江賦云魚則江豚海豨蟬史云在江者名江豚在海者名海豨其實一物也說文云江豚一名鱣鯨逢風則涌一名鮪魚一名奔鯨又曰江東有鮪魚腹有兩乳

雜俎云奔鯨一名蜀非魚非蛟大者如船長二三丈色如鮎有兩乳在腹下雌雄陰陽類人取其子着岸上聲如嬰兒啼頂上有孔通頭氣出赫赫作聲出必大風行舟者以為候相傳乃嬾嬾所化入海捕之人必先祭又陳所取之數則自出因取之若不信則風波覆舡草木子云江豚腹下有兩乳雌雄類人殺一頭得膏三四斛乃嬾婦所化其

膏燃燈照樗蒲則明照紡績讀書則闇名樗蒲魚

鯁史云江豚俗呼拜江猪又名海猪狀似猪鼻中有聲腦
上有孔噴水直上出沒波浪中數百為群見則有風入江
則有水灾無鱗黑色多膏脂以其腦中有井故又名井魚
本草云人取江豚子繫著水中母自来就而取之其子如
鱧魚子數萬為羣隨母而行襍俎云井魚腦有穴每翕水
輒于腦穴處出如飛泉散落海中舟人以空器貯之海水
鹹苦經魚腦則淡矣

彈塗○寧波志云彈塗一名閑胡形似小鯽而短大者如
人大母指長三五寸潮退數千百揚鬚跳擲海塗中作穴

而居以其彈跳于塗故名此魚以前兩翅為足黑色背有
花斑骨軟肉美善跳故名跳魚逢鳥與人則跳入穴內三
月則生九月則無矣有一種大而色白名白蜃肉硬無斑
味劣又一種小者名彈胡狗

烏鰂○蟬史云烏鰂一名烏鰂又名墨魚骨名海螵蛸作
脯名明脯乾又名墨魚乾有八足集足在口縮喙在腹懷
板含墨每遇大魚輒噴墨濶其波以衛身若小魚蝦過其
前則吐墨涎惹之止有一骨厚三四分兩鬚極長南越志
云烏鰂懷墨而知禮埤雅云烏鰂有石遇風則蚪前一鬚
下矧一名鰭魚風波稍息則以鬚黏石為鰭此魚肉白皮

黑無鱗有鬚帶甚長系訓云寒鳥入水謂之烏鰂本草云
乃鷄鳥所化今其口脚尚存形尚相似固經云此魚性嗜
鳥每曝水上鳥謂其已死便啄其腹則奪取而食之故名
烏鰂古今註云繫為河北從事烏鰂為河伯小吏汲冢周
書曰魚支之鯢烏鰂之醬侯鯖錄云烏鰂形類鞋囊翳波
噴墨斷射水鰂

章舉○蟬史云章舉一名章魚一名章拒一名章鋸以其
足似鋸也形類烏鰂而小物產志云章舉大者名石拒居
海塗泥穴中人取之能以脚粘石拒人故又名章巨形如
箕袋八足無骨大者長二三尺上戢戢有釘每釘有竅每

仰臥塗內見烏啄以八足粘卷之

望潮○物產志云望潮似章巨而小生海塗中身長二三

寸足倍之士人呼塗嘻人以為珍品按章舉烏賊望潮三

大章舉火之望潮最小然味惟望潮最佳而烏賊又不及

章舉也烏賊白色腹有墨章舉望潮赤白色有涎無鱗一

頭八足有頸有口腹中有墨如蟹青味極美人以桑葉泥

之則墨從口出望潮至重九則身食其足而不可覓矣章

鱗魚

鎖骨脚○蟬史云形類望潮但足無釘耳生海塗中

志云鱗魚身如膏髓骨柔無鱗蟬史云鱗一名柔魚一名

鯢鱗俗呼殘頭似龍頭身似鼻涕長二三寸又名龍頭

魚生東海味在首膾而曝乾名龍頭鮓一名殘魚一統志
云松江出膾殘魚俗謂吳孫權渡江食膾棄餘于水化為
此魚故名膾殘魚又曰王餘魚

銀魚

蟬史云銀魚一名麵條魚似鱗魚而小肉堅味美江河海
湖俱有之爾雅翼什云銀魚長五六寸身圓如筋潔白無
鱗目兩點黑草木子曰江之水族如揚子大江麵條魚惟
城陵磯冬至前沒始有之寧波志云銀魚魚之至小而味
佳者形如麵條而純白色

蝦一作

羅氏曰蝦多鬚善游而好躍其字从假蓋以水母假之而動也侯鯖錄云蝦狀如蜈蚣而擁楯者名蝦公爾雅曰𧏖蝦郭註云出穢邪頭國見呂氏字林爾雅又曰鯁大蝦郭註云蝦大者出海中長二三丈鬚長數尺本草會編云大蝦鬚長數尺水土物志云蝦者曰蜎食之益人顏色有愛媚本草云蜎似蝦乃寄生龜殼中食之益顏色雞距集云蝦一名沙虹嶺表錄異云海蝦皮殼嫩紅色腦殼與前兩脚有鉗者色如朱土人多理為杯或扣以金謂之蝦杯亦有以其鬚為簪杖者

譚史云蝦多歲荒蟹多有冠大而擁楯黑色堅甲者名蝦

公四五月生子名蝦子小而隙身無肉者名蝦狗一種狀似蜈蚣名蝦姑一名蝦小者類鼠婦大者似蜈蚣
鯀○說文云鯀如蝦無足長十餘大如父股出遼東

水馬

蟬史云水馬一名海馬生南海中頭如馬長五六十寸蝦類也異魚圖云此魚多結網上收之暴乾以雌雄相對為一聯異物志云海馬生西海大小如守宮虫形如馬其色黃褐冠宗奭曰海馬首如馬身似蝦背偃僂身有竹節紋長二三寸又名水馬

郭璞云蛇形如覆釜以蝦為目錄異云海鏡蟹為腹水母
蝦為目水母蛇也俗呼蝦蛇腹下有物如絮謂之足無腸
胃無口眼無鱗骨常有數十蝦寄腹下食其涎遇舟則蛇
沉蓋蝦有所見耳

蟬史云蛇生海中四五月初生如帶至六月漸大如盤形
似白綠絮而無耳目口鼻鱗骨一段赤色破碎者謂之蛇
頭蝦截腹下以蝦為目蝦動則蛇沉肉如水晶以明礬醃
之吳人呼為水母鮮久則漸薄如紙俗呼為白皮紙